



Broj: 07-05-42543-58/23
Sarajevo, 30.10.2023. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na zastupničku inicijativu. *dostavlja se*

Zastupnica Mersiha Mehmedagić je u okviru Devete radne sjednice Skupštine Kantona Sarajevo, održanoj dana 11.10.2023. godine, uputila zastupničku inicijativu koja glasi:

"Na osnovu informacija građana Općine Trnovo da se izvode radovi kaptiranja jednog od izvorišta Bijele Rijeke (tzv. Šofersko vrelo), tražim od Kantonalne uprave za inspekcijske poslove da hitno izvrše inspekcijski nadzor, kako na lokaciji samog potencijalnog vodovoda, tako i u Općini Trnovo i Javnom komunalnom preduzeću "Trnovo" d.o.o Trnovo i utvrde da li se izvode radovi na osnovu dokumentacije i da li je potencijalni projekat u skladu sa odnosnim pozitivnim propisima.

Tražim od Ministarstva privrede i Ministarstva komunalne privrede, infrastrukture, prostornog uređenja, građenja i zaštite okoliša da se svako iz svoje nadležnosti očituje po pitanju navedenih radova po saznanju o činjeničnom stanju.

S obzirom da je krajem 80-tih godina bila projektovana akumulacija "Bijela Rijeka" radi dugoročnog rješavanja vodosnabdijevanja Sarajeva, tražim da se utvrdi za čije potrebe se sada radio ovaj vodovod i da li će građani Sarajeva i lokalno stanovništvo biti ugroženi zbog ovog projekta".

Odgovor na zastupničku inicijativu

Ministarstvo privrede Kantona Sarajevo nije obaviješteno, niti ima saznanja vezano za aktivnosti kaptiranja izvorišta "Šofersko Vrelo", koje se nalazi u Općini Trnovo. Uvidom u evidenciju vodnih akata koje vodi ovo ministarstvo, utvrđeno je da nije dostavljen zahtjev za izdavanje vodnih akata iz nadležnosti ministarstva za zahvatanje vode sa izvorišta "Šofersko Vrelo".

Vezano za drugi dio zastupničke inicijative koji se odnosi na akumulaciju "Bijela Rijeka", odnosno da li će građani Sarajeva i lokalno stanovništvo biti ugroženi zbog ovog projekta, informišemo Vas da se prema planiranom položaju brana i dio akumulacije "Bijela Rijeka" nalazi prostorno na području Republike Srpske, dok se jedan dio akumulacije nalazi na području Federaciji Bosne i Hercegovine.

Zbog toga je strateški postavljen novi koncept dugoročnog vodosnabdijevanja Kantona Sarajevo, te je umjesto akumulacije na Bijeloj rijeci, koja je lijeva pritoka rijeke Željeznice, izabrana akumulacija na Crnoj Rijeci koja je desna pritoka rijeke Željeznice s drugim slivnim područjem. U svim strateškim i planskim dokumentima Kantona Sarajevo, akumulacija Crna Rijeka planirana je za dugoročno vodosnabdijevanje Kantona Sarajevo, a prostorno-planskom dokumentacijom rezervisan je prostor za izgradnju akumulacije, brane i drugih vodnih objekata planiranih u sklopu Višenamjenskog vodoprivrednog podsistema "Crna Rijeka", koji se u potpunosti nalazi na teritoriji Federacije BiH.



Dostaviti:

1. Naslovu,
2. Vladi na znanje,
3. Evidencija,
4. A/a.